

BULETIN unisel UNIVERSITI SELANGOR

Shaping Society Mencorak Masyarakat



'AWARD FOR OUTSTANDING
CONTRIBUTION TO EDUCATION'
- PROF DR. HAJI ANUAR AHMAD

*Salam
Aidil Fitri
2015/1436*

Sekapur Sireh Seulas Pinang

Assalammualaikum Warahmatullahi Wabarakatuh dan salam sejahtera.

Terlebih dahulu, marilah sama-sama kita merafakkan setinggi-tinggi kesyukuran ke hadrat Allah kerana dengan izin dan limpah kurnia-Nya, telah mempermudahkan saya dan teman-teman seperjuangan menghasilkan Buletin UNISEL Edisi Julai 2015. Sesungguhnya terbitan kali ini adalah hasil ketekunan serta kesabaran semua pihak. Terima kasih sekali lagi ikhlas dari saya.

Ucapan tahniah khas saya tujukan kepada Prof. Dr. Anuar Ahmad, Presiden & Naib Canselor yang telah dianugerahkan dengan 'Award for Outstanding Contribution to Education' oleh The Golden Globe Tigers Award 2015. Beliau merupakan antara 132 pemimpin dari 32 Negara yang diberi pengiktirafan dalam pelbagai bidang. Tahniah dan moga terus berjaya mencorak yang lebih baik dan baik selepas ini.

Pelbagai laporan serta wawancara terpilih disulami dengan kejayaan yang telah dicapai, bermula dari pelajar, pensyarah serta universiti secara keseluruhannya dihidangkan buat semua. Kecemerlangan yang diangkat menerusi terbitan kali ini membuktikan bahawa UNISEL sememangnya berada di landasan yang tepat sesuai dengan status TIER 5 universiti.

Akhir kalam, bagi pihak warga kerja Buletin UNISEL saya mengucapkan Selamat Hari Raya Aidil Fitri, Maaf Zahir Batin kepada semua. Sambutlah lebaran dengan penuh kegembiraan kerana ia Nikmat Allah S.W.T kepada kita kerana telah berjaya mendisiplinkan diri mengharungi Ramadhan Al-Mubarak ini dengan penuh keimanan dan ketaqwaan.

Hasril Abu Hassan

Ketua Editor



Sidang Editorial

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

Pejabat Komunikasi Korporat
Tingkat 5, Bangunan Satelit
Jalan Zirkon A7/A, Seksyen 7
40000 Shah Alam
SELANGOR
Tel : +603-55223420
Email : corporate@unisel.edu.my
Website : media.unisel.edu.my

Penaung	: Prof Dr Anuar Ahmad Presiden dan Naib Canselor
Penasihat	: Hajah Fauziah Abd Rahman Ketua Pustakawan
Ketua Editor	: Hasril Abu Hassan Ketua Komunikasi Korporat
Editor	: Ahmad Norman Abu Talib Penolong Pengurus Komunikasi Korporat

Penasihat Kreatif :	Prof Dr Abd Shukor Hashim Dekan Fakulti Seni Lukis & Seni Reka
Wartawan	: Pejabat Komunikasi Korporat
Fotografi	: Pejabat Komunikasi Korporat
Pembantu Editorial:	: Hasni Mohd Noor : Nor Hasnida Mohd Hosni : Aiman Mudzafar Mohamad Khairi : Noor Faradia Fuad Goh

KANDUNGAN

- 4.** Prof Dr Anuar terima anugerah 'Award for Outstanding Contribution to Education'
- Prof Madya Dr Shaharuddin dilantik TNC HEP Baharu UNISEL
- 5.** UNISEL jalin kerjasama dengan Universiti Brunei, UNISSA
Universiti Ishik mahu hantar pelajar ke UNISEL
- 6.** 28 terima watikah pelantikan MPP 2015/2016
31 pelajar sertai kursus induksi MPP
- 7.** 34 pelajar Fakulti Kejuruteraan Awam sertai kursus River Hydraulics Field
Seminar beri peluang bentang kertas penyelidikan
- 8.** Derma darah pupuk kesedaran pelajar
Pelajar berarak sempena Maulidur Rasul 2015
- 9.** Minggu Tekad Siswa digabungkan buat pertama kali
Ala UNISEL Fiesta dekati kanak-kanak tadika
- 10.** Pesuruhjaya Tinggi Lesotho puas hati selepas lawat UNISEL
Universiti keempat Turki jalin kerjasama dengan UNISEL
- 11.** SAF 2015 Kampus Bestari Jaya UNISEL pertama kali diadakan dapat sambutan menggalakkan
Universiti Lancang Kuning, Indonesia lawat UNISEL untuk kuasai Sains dan Matematik
- 12.** Tanam 33 pokok, wujud suasana hijau di kampus
Dua pensyarah Fakulti Sains dan Bioteknologi menang pingat perak ITEX 2015
- 13.** ExhibIT 2015 beri pendedahan kepada pelajar tahun akhir FSKTM
UNISEL tandatangani MoU dengan dua universiti di Jordan
- 14.** UGT 2015 cungkil bakat seni warga UNISEL
Larian amal bantu anak yatim serta orang tua
- 15.** Bank Islam serah cek zakat RM20,000
18 warga STIT lawat UNISEL
Tiga pensyarah FSKTM terima sijil pengiktirafan



PROF DR ANUAR TERIMA ANUGERAH 'AWARD FOR OUTSTANDING CONTRIBUTION TO EDUCATION'

KETOKOHAN serta kepimpinan cemerlang Naib Canselor dan Presiden UNISEL, Prof Dr Anuar Ahmad dalam bidang pendidikan diberi pengiktirafan apabila dianugerahkan 'Award for Outstanding Contribution to Education' oleh The Golden Globe Tigers Award 2015.

Lebih membanggakan Prof Dr Anuar antara beberapa tokoh bidang pendidikan dari beberapa institut pengajian tinggi (IPT) yang diberi pengiktirafan dalam majlis anugerah yang diadakan buat kali kedua di negara ini.

Prof Dr Anuar merupakan antara 132 pemimpin dari 32 negara yang diberi pengiktirafan dalam pelbagai bidang. Anugerah yang diadakan di Prince Hotel and Residence, Kuala Lumpur 25 Mac lalu adalah bagi memberi pengiktirafan kepada individu yang dilihat berbakat besar sebagai pemimpin.

Pemilihan dibuat berdasarkan kriteria kepimpinan individu tersebut dalam sesebuah organisasi. Bukan sahaja di bidang pendidikan malah meliputi bidang perniagaan, korporat dan sebagainya.

Kepimpinan cemerlang beliau bukan sahaja sebagai pemimpin sebaliknya turut melibatkan hasil kajian penyelidikan yang dijalankannya. Tahun lalu sahaja beliau



Prof Dr Mohd Nor mewakili Prof Dr Anuar menerima anugerah tersebut

membuat penyelidikan dalam menyediakan kit halal dalam membantu memudahkan pemeriksaan produk halal di negara ini.

Bagaimanapun, Prof Dr Anuar ketika itu berada di Jordan mengikut delegasi lawatan kerja rasmi Kerajaan Negeri Selangor bagi menjayakan perjanjian persefahaman (MoU) bersama Universiti Petra serta Universiti Jordan. Mewakili beliau menerima anugerah tersebut adalah Pengarah Perancangan Strategik, Prof Dr Mohd Nor Nawawi.

Prof Dr Anuar menyifatkan anugerah yang diterima bukan miliknya seorang sebaliknya

adalah kejayaan semua pihak dalam bersama-sama membangunkan UNISEL untuk menjadi sebuah medan pengajian yang terulung di negara ini.

Menurutnya, membangunkan sebuah universiti memerlukan kerjasama utuh dan dedikasi tinggi.

"Kejayaan tidak akan berhasil sekiranya tidak mendapat sokongan kerjasama semua pihak. Terima kasih kepada semua yang berusaha secara langsung atau pun tidak langsung bagi mencapai kecemerlangan ini," katanya.

PROF MADYA DR SHAHARUDDIN DILANTIK TNC HEP BAHARU UNISEL

PROF Madya Dr Shaharuddin Badaruddin dilantik sebagai Timbalan Naib Canselor (TNC) Hal Ehwal Pelajar (HEP) UNISEL yang baharu berkuatkuasa 1 April lalu. Dengan pengalaman 20 tahun di dalam bidang pendidikan, perlantikan ini sememangnya keputusan yang cukup tepat.

Prof Madya Dr Shaharuddin mula berkhidmat di Institut Teknologi Mara (ITM) yang kini dikenali sebagai Universiti Teknologi Mara (UiTM) pada 1985. Jawatan terakhir disandangnya adalah sebagai Timbalan Dekan Fakulti Sains Pentadbiran dan Pengajian Polisi.

Anak kelahiran Tanjung Karang, Selangor ini mempunyai kepakaran di dalam bidang politik dalam dan luar negara. Beliau yang sudah mula bertugas hari ini akan memastikan hal ehwal pelajar terutamanya kebajikan dapat dijaga baik.



Prof Madya Dr Shaharuddin

UNISEL JALIN KERJASAMA DENGAN UNIVERSITI BRUNEI, UNISSA



Prof Dr Anuar semasa menandatangani MoU bersama Dr Norarfan bagi mengukuhkan kerjasama antara UNISEL serta UNISSA

UNISEL menandatangani memorandum persefahaman (MoU) bersama Universiti Islam pada 9 Februari lalu dalam mewujudkan hubungan bagi program mobiliti pelajar dan kakitangan.

Dengan menandatangani MoU itu, pelbagai program kerjasama dalam bidang akademik dan bukan akademik antara kedua-dua universiti dapat dilaksanakan dengan lebih berkesan.

Kedua-dua universiti juga bersetuju untuk memperluaskan program dari masa ke semasa.

MoU tersebut disempurnakan oleh Rektor UNISSA, Dr Norarfan Zainal manakala UNISEL diwakili Presiden dan Naib Canselor UNISEL, Prof Dr Anuar Ahmad.

Peringkat awal, UNISEL hanya mempunyai tiga program pengajian namun tahun lalu, sebanyak 89 kursus merangkumi hampir semua aspek disiplin saintifik diperkenalkan.

Dahulu hanya terdapat 300 pelajar UNISEL tetapi kini sudah boleh menampung 14,000 pelajar pada satu-satu masa.

Dr Norarfan berkata, UNISSA akan terus komited untuk memperluaskan kerjasama strategik dengan institusi pengajian tinggi antarabangsa bagi memastikan kualiti pengurusan akademik dan universiti adalah setanding dengan universiti-universiti luar negara.

UNISSA, sejak penubuhannya pada 1 Januari 2007, melaksanakan beberapa kerjasama intensif termasuk MoU dengan universiti serantau dan antarabangsa untuk meningkatkan reputasinya di peringkat antarabangsa.

UNIVERSITI ISHIK MAHU HANTAR PELAJAR KE UNISEL

UNISEL menjalin kerjasama dengan Universiti Ishik, Iraq dalam meningkatkan lagi kecemerlangan universiti ini di dalam tanah air.

Melalui memorandum persefahaman (MoU) yang ditandatangani 2 Februari lalu, UNISEL serta Universiti Ishik mahu mengecapi kesan positif hasil kerjasama tersebut.

Difahamkan, kedua-dua pihak akan melaksanakan program pertukaran pelajar serta para pensyarah.

Ia bagi memberi pengalaman baru kepada pensyarah serta para pelajar semasa berada di kedua-dua universiti.

Bahkan projek kajian saintifik juga akan dilaksanakan dalam beberapa bidang yang akan dibincangkan kemudian.

Rektor Universiti Ishik, Prof Dr Ahmet Oztas berkata, beliau menyifatkan ramai rakyat Iraq berminat melanjutkan pelajaran di Malaysia.

Prof Dr Anuar bersama Prof Dr Ahmet menandatangani MoU berkenaan

"Sebab itu kita memilih UNISEL sebagai salah satu faktor MoU ini.

"Lagipun Ishik (Universiti) baru sahaja mencecah usia 8 tahun berbanding UNISEL 15 tahun," katanya selepas menandatangani MoU bersama Presiden dan

Naib Canselor UNISEL, Prof Dr Anuar Ahmad. Menurutnya, beliau menjangkakan lima pelajar akan dihantar ke UNISEL pada September akan datang.

Pada masa sama, Prof Dr Ahmet berharap UNISEL juga dapat menghantar pelajar untuk belajar di Universiti Ishik



28 TERIMA WATIKAH PELANTIKAN MPP 2015/2016

MOHD Arif Zaki dilantik sebagai Yang Dipertua Majlis Perwakilan Pelajar (MPP) 2015/2016 bagi kedua-dua kampus Shah Alam dan Bestari Jaya bermula 11 Mac lalu.

Pelantikan tersebut dibuat hasil persetujuan kesemua wakil MPP yang sebulat suara memilih Mohd Arif yang merupakan pelajar Fakulti Pendidikan dan Sains Sosial untuk meneraju MPP bagi penggal ini.

Sebelum pemilihan dibuat, mereka terlebih dahulu menjalani Kursus Induksi Kepimpinan di Kem Al Azhar, Banting, Selangor.

Majlis tersebut dirasmikan oleh Naib Canselor dan Presiden UNISEL, Prof Dr Anuar Ahmad.

Beliau menyerahkan sijil serta surat watikah pelantikan kepada 28 MPP yang dipilih melalui pengundian pada 11 Februari lalu.



Prof Dr Anuar (tiga, kiri) bersama pengurusan UNISEL serta MPP yang menerima watikah lantikan

Prof Dr Anuar mengingatkan para MPP yang dipilih untuk menjalankan tugas dengan baik dalam membantu pelajar-pelajar.

Malah mereka juga diharapkan dapat memudahkan sebarang urusan melibatkan

universiti serta para pelajar.

Turut hadir adalah pengurusan Hal Ehwal Pelajar (HEP), dekan serta timbalan dekan fakulti dan penolong pendaftar.

31 PELAJAR SERTAI KURSUS INDUKSI MPP

SERAMAI 31 Majlis Perwakilan Pelajar 2015 UNISEL termasuk Presiden Persatuan Pelajar menyertai Kursus Induksi Kepimpinan di Kem Al Azhar, Banting, Selangor untuk meningkatkan kualiti kepimpinan.

Kursus selama tiga hari dianjurkan oleh Kerajaan Negeri serta Hal Ehwal Pelajar (HEP) UNISEL pada 26 Februari lalu.

Timbalan Pendaftar HEP, Zulfikri Mohamed Kamil berkata, kursus ini bertujuan memberi pendedahan kepada para pelajar yang terpilih mengenai kepimpinan.

Menurutnya, ia bagi melatih mereka untuk bergelar pemimpin.

"Dengan adanya kursus seperti ini ia dapat membantu para pelajar memahami dengan lebih jelas misi dan visi UNISEL."

"Kita harap dapat melahirkan pelajar yang dapat jadi role model dalam mencapai visi dan misi universiti," katanya.

MPP yang baru ini juga diharap dapat menerapkan enam nilai teras sejajar

Pelajar-pelajar mendengar taklimat disampaikan



Antara aktiviti dijalankan untuk memupuk semangat berpasukan

hasrat pembangunan Kerajaan Negeri.

Dalam pada itu, Zulfikri berkata, Yang Dipertua dan Naib Dipertua bagi kedua-dua kampus dipilih oleh peserta-peserta kursus.

Mereka menentukan berdasarkan prestasi serta pilihan masing-masing sepanjang kursus tersebut dijalankan.

Presiden dan juga Naib Canselor, Prof Dr Anuar Ahmad hadir pada majlis penutup kursus berkenaan.

Penyampaian watikah diadakan 10 Mac lalu di Kampus Bestari Jaya yang dihadiri oleh Prof Anuar, pengurusan kanan serta dekan dan timbalan dekan fakulti masing-masing.

34 PELAJAR FAKULTI KEJURUTERAAN AWAM SERTAI KURSUS RIVER HYDRAULICS FIELD

SERAMAI 34 pelajar dari Fakulti Kejuruteraan Awam UNISEL mengikuti kursus 'River Hydraulics Field Study' dalam memberikan lebih banyak pendedahan kepada mereka pada 29 Januari lalu.

Kursus dianjurkan oleh Water Engineering Unit, Divisyen Kejuruteraan Awam UNISEL itu bertempat di Bukit Tagar, Selangor.

Ia bertujuan memberi pendedahan mengenai skop kerja yang bakal dilalui oleh para pelajar selepas menamatkan pengajian dan melangkah ke alam pekerjaan.

Timbalan Dekan Fakulti Kejuruteraan, Ir Mohd Shukri Yob menyifatkan program berbentuk amali itu amat penting bagi pelajar dalam memahami ilmu diajar sama ada di dalam kuliah atau di dewan.

"Usaha seperti ini membuktikan UNISEL komited dalam menghasilkan graduan yang berkemahiran tinggi melalui pendekatan amali," katanya.

Pengurus Water Engineering Unit, Nora Samsina berkata, UNISEL bertuah kerana memiliki tenaga pakar di dalam bidang tersebut.

Nora merujuk kepada juruteknik di fakulti

tersebut, Mohamad Helmy Ismail yang disifatkannya sebagai sangat berpengalaman.

"Beliau bersama beberapa staf UNISEL lain sudah menjalankan penyelidikan sungai dan laut selama lebih 10 tahun.

"Kepakaran mereka bukan sahaja dikagumi di negara ini malah di Indonesia yang berminat mendapatkan keparahan mereka," katanya.

River Hydraulic merupakan salah satu cabang dalam kejuruteraan awam yang menyediakan peluang pekerjaan yang luas kepada para pelajar.

Sepanjang program tersebut, para pelajar didedahkan mengenai kaedah mengukur kelajuan air, kedalaman air dan juga sampel lumpur menggunakan peralatan berteknologi tinggi.



Penerangan kepada peserta tentang cara pemasangan peralatan

SEMINAR BERI PELUANG BENTANG KERTAS PENYELIDIKAN

UNISEL mengadakan Seminar Siswazah Pendidikan Khas 2014 sebagai memberi peluang kepada pelajar untuk membentangkan kertas penyelidikan mereka.

Program dianjurkan oleh Fakulti Pendidikan dan Sains Sosial itu merupakan pengalaman yang tidak ternilai untuk pelajar pasca siswazah.

Pengerusinya, Prof Dr Gunasegaran Karuppantan berkata, melalui seminar seperti itu ia memberi ruang kepada pengamal, penyelidik dan pelajar untuk berkumpul dalam bidang Pendidikan Khas.

Kerajaan juga menekankan dan menggalakkan ahli akademik untuk terlibat secara aktif dalam penyelidikan agar setanding dengan negara-negara membangun yang lain.

"Oleh itu guru perlu bijak mengeksplorasi, menggunakan dan mendapat manfaat daripada setiap program yang dijalankan oleh universiti sebagai platform untuk mempertingkatkan diri dalam bidang akademik," katanya sempena seminar yang diadakan di Kota Kinabalu, Sabah November lalu yang turut dihadiri Exco Pendidikan, Pembangunan Modal Insan, Sains dan Teknologi dan Inovasi, Nik Nazmi Nik Ahmad.

Kota Kinabalu dipilih memandangkan terdapat ramai lepasan ijazah UNISEL berasal dari

Sabah dan Sarawak.

Selain itu, ia juga bagi memberi peluang kepada guru-guru di Sabah dan Sarawak untuk terlibat secara aktif dalam elemen penyelidikan.

Pihaknya merancang untuk mengadakan lebih banyak seminar seumpama ini di serata negara pada masa akan datang.

Beliau juga berharap ramai guru tampil ke hadapan untuk mengambil bahagian dalam seminar agar dapat menyumbang kepada sekolah yang sedia ada.



YB Nik Nazmi menerima cenderahati disampaikan Prof Dr Gunasegaran sambil disaksikan oleh Naib Presiden UPKO, Senator Datuk Lucas Umbul



Antara peserta seminar tersebut

DERMA DARAH PUPUK KESEDARAN PELAJAR

KEPRIHATINAN terhadap mereka yang memerlukan bantuan membuatkan Kempen Derma Darah dan UNISEL Fitness mendapat sambutan luar biasa.

Pelajar tidak putus dari pagi hingga ke petang menyertai kempen anjuran Fakulti Perniagaan yang diadakan di Dewan Pro Canselor, Kampus Shah Alam.

Program tiga hari bermula 17 Mac lalu mendapat kerjasama Hospital Tunku Ampuan Rahimah, Klang.

Bukan kali pertama UNISEL mengadakan program seumpama ini namun kali ini jelas mendapat sambutan yang amat memberangsangkan.

Tanpa mengenal warna kulit, masing-masing sudi menderma darah kerana sedar terdapat ramai insan di luar sana yang memerlukannya.

Bukan sahaja mereka yang terlibat dalam kemalangan malah pesakit demam denggi yang kini mencatatkan jumlah kes tinggi di negeri ini.

Pelajar Diploma Komunikasi, Norhazimah Sharmimi Mohd Zaki menyifatkan kempen seperti ini sangat baik dalam menyedarkan para pelajar betapa pentingnya menderma darah kerana dapat meringankan beban orang yang memerlukannya.

Dia sendiri terasa untuk menghulurkan bantuan kerana ingin merasai pengalaman



Ramai pelajar menyertai kempen derma darah kali ini



Sebahagian pelajar sedang menunggu giliran untuk menderma darah



Pelajar yang mengambil bahagian dalam kempen derma darah

PELAJAR BERARAK SEMPENA MAULIDUR RASUL 2015



Antara pelajar dan kakitangan yang memeriahkan sambutan Maulidur Rasul



Prof Dr Anuar sedang berucap

HAMPIR 400 pelajar UNISEL berarak sempena sambutan Maulidur Rasul 2015 peringkat universiti di Kampus Bestari Jaya pada 23 Januari lalu.

Mereka terdiri daripada persatuan serta fakulti masing-masing berarak sebelum pergi ke Masjid UNISEL untuk acara sambutan seterusnya.

Presiden dan Naib Canselor UNISEL, Prof Dr Anuar Ahmad mengingatkan kembali para hadirin mengenai perjuangan serta pengorbanan Rasulullah pada masa lalu.

Acara diteruskan dengan qasidah oleh Persatuan Silat Cekak UNISEL diikuti dengan penyampaian hadiah sebelum diakhiri oleh persembahan nasyid daripada para pelajar.

Walaupun disambut lewat tahun ini namun sambutan kali ini tetap berlangsung meriah.

MINGGU TEKAD SISWA DIGABUNGKAN BUAT PERTAMA KALI

BUAT kali pertama Minggu Tekad Siswa bagi pelajar baru digabungkan untuk kedua-dua Kampus Shah Alam dan Bestari Jaya.

Majlis bagi pelajar-pelajar baru pengambilan Mac tersebut diadakan di Dewan Senat, Kampus Bestari Jaya 9 Mac lalu.

Dalam majlis itu, Naib Canselor yang juga Presiden UNISEL, Prof Dr Anuar Ahmad mengingatkan para pelajar kepentingan untuk menjadi orang berilmu.

Menurutnya, ia juga perlu diajar kepada orang lain supaya sama-sama memperoleh kebaikan.

Beliau menyeru pelajar-pelajar berkongsi segala ilmu yang ada untuk manfaat semua pihak.

"Apabila kita berilmu kita boleh bezakan yang baik dan buruk.

"Ilmu sangat penting supaya ia bermanfaat buat kita dan juga orang lain," katanya.

Majlis tersebut disempurnakan lafadz ikrar pelajar diketuai oleh Mohd Farhan Zulfiqri yang mengikuti Diploma Industri Multimedia.



Prof Dr Anuar menyarungkan jaket UNISEL



Mohd Farhan mengetuai lafadz ikrar

ALA UNISEL FIESTA DEKATI KANAK-KANAK TADIKA

BAGI memberi pendedahan pelajar bersama kanak-kanak pra sekolah, Program Ijazah Pendidikan Awal Kanak-kanak dari Fakulti Pendidikan dan Sains Sosial mengadakan program Ala UNISEL Fiesta 6 April lalu di Dewan Canselor, Kampus Bestari Jaya.

Program tersebut melibatkan seramai 255 pelajar yang disertai oleh 240 kanak-kanak dari empat buah tadika.



Antara sesi dijalankan antara pelajar bersama kanak-kanak tersebut



Kanak-kanak yang menyertai program tersebut

Tadika terlibat adalah SK Rantau Panjang, SK Ijok, SK Sejati, SK Sungai Binjai.

Program tersebut bertujuan untuk melatih para pelajar menggunakan peralatan yang ada untuk mengajar kanak-kanak.

Mereka diberi pendedahan untuk memilih bahan-bahan yang sesuai untuk dijadikan sebagai alat pengajaran dan pembelajaran.

Para pelajar menggabungkan elemen sains dan seni bahasa dalam sesi tersebut.

Melalui program seumpama ini mereka juga dapat mendekatkan diri dengan masyarakat di samping mempromosikan UNISEL.

Malah mereka juga didedahkan mengenai peluang-peluang pekerjaan di dalam bidang ini.

Antara aktiviti dijalankan adalah origami, penyediaan makanan ringan, kraftangan, membuat topeng dan pergerakan.



Kanak-kanak tersebut disajikan dengan persembahan oleh para pelajar

PESURUHJAYA TINGGI LESOTHO PUAS HATI SELEPAS LAWAT UNISEL



Dr Mabaphethi bersama Prof Dr Anuar semasa melihat jurnal



Prof Dr Anuar (dua, kanan) menerangkan kepada wakil-wakil kedutaan semasa lawatan tersebut



Dr Mabaphethi sempat membuat ujian darah di Pusat Klinikal Diagnostik UNISEL

LESOTHO mahu mengadakan memorandum persefahaman (MoU) bersama UNISEL pada masa akan datang.

Perkara tersebut disuarakan oleh Pesuruhjaya Tingginya, Dr Mabaphethi Moorosi-Molapo semasa mengadakan lawatan ke UNISEL bersama dengan wakil kedutaan Tanzania dan Zambia 20 Mac lalu.

Dr Mabaphethi berpuas hati dengan kelengkapan fasiliti serta kemudahan yang ada di UNISEL selepas melawat kedua-dua kampus di Shah Alam dan Bestari Jaya.

Menurutnya, beliau tidak menolak kemungkinan kerjasama tersebut akan diadakan

melibatkan fakulti kesihatan sebuah universiti yang ternama di Lesotho.

Katanya, beliau menyifatkan UNISEL sebagai sebuah universiti ternama yang menepati piawaian tinggi.

"Secara amnya saya lihat UNISEL sememangnya sebuah universiti berkualiti tinggi.

"Saya bercadang untuk memaklumkan perkara ini kepada sebuah universiti terkemuka di Lesotho dan kita lihat apa yang boleh dilakukan kemudian berkemungkinan menandatangani MoU dengan Fakulti Bioperubatan dan Sains Kesihatan," katanya selepas selesai mengadakan

lawatan.

Dalam lawatan tersebut, Naib Canselor dan Presiden UNISEL, Prof Dr Anuar Ahmad turut mengadakan penerangan ringkas kepada wakil kedutaan tersebut.

Dr Mabaphethi berkata, kerjasama tersebut mungkin bukan sahaja melibatkan pertukaran para pelajar namun kakitangan juga.

Ia bagi mendedahkan pelajar serta kakitangan dengan pengalaman berada di luar negara.

Malah beliau juga berharap kerjasama melibatkan kajian dan penyelidikan dapat dijalankan pada masa akan datang.

UNIVERSITI KEEMPAT TURKI JALIN KERJASAMA DENGAN UNISEL

UNIVERSITI Canik Basari merupakan institusi pengajian tinggi keempat Turki memilih untuk menjalinkan kerjasama dengan UNISEL selepas menandatangani memorandum persefahaman (MoU) di Kampus Shah Alam di sini pada 11 Mei lalu.

MoU tersebut diadakan bagi menjalinkan kerjasama pendidikan antara kedua-dua universiti.

Naib Canselor, Prof Dr Anuar Ahmad berkata, MoU seperti ini bakal memberi manfaat besar untuk kedua-dua universiti di dalam pendidikan.

Antara intipati MoU tersebut adalah melibatkan program pertukaran pelajar serta

kakitangan.

Malah kedua-dua universiti juga merancang untuk menjalankan penyelidikan serta kajian bersama.

"Kita juga difahamkan mereka berminat untuk menawarkan pekerjaan kepada graduan kita bagi jangka masa panjang.


"Program pertukaran pelajar dan kakitangan ini akan bermula sebaik sahaja semua berjalan dengan lancar," katanya selepas menandatangani

MoU tersebut bersama Rektor Universiti Canik Basari, Prof Dr Yunus Bekdemir.

Turut hadir, Dekan Fakulti Komunikasi dan Media, Prof Dr Azmuddin Ibrahim.

Menurutnya, faktor reputasi UNISEL di Turki turut memainkan peranan mengapa universiti tersebut mahu menjalin kerjasama.

Sebelum ini Universiti Suleyman Demirel, Universiti Attaturk dan Universiti Zirve sudah menandatangani MoU bersama UNISEL.



Prof Dr Anuar menyerahkan cenderahati kepada Prof Dr Yunus



Prof Dr Anuar bersama Prof Dr Yunus menandatangani MoU tersebut



Para pelajar bersama dengan hadiah kemenangan masing-masing selepas majlis penutup.

SAF 2015 KAMPUS BESTARI JAYA UNISEL PERTAMA KALI DIADAKAN DAPAT SAMBUTAN MENGGALAKKAN

SUKAN Antara Fakulti (SAF) 2015 Kampus Bestari Jaya,UNISEL pertama kali diadakan dengan Fakulti Pendidikan dan Sains Sosial bergelar johan selepas merangkul enam emas daripada lapan pertandingan.

Dalam kejohanan selama tiga hari bermula 13 Mac lalu, ia melibatkan penyertaan 400 atlet terdiri daripada para pelajar kampus berkenaan dengan bantuan 50 pegawai serta 85 urusetia.

Ia ternyata mendapat penglibatan luar biasa daripada para pelajar apabila masing-masing berusaha bersungguh-sungguh bagi menjuarai acara dipertandingkan.

Naib Canselor dan Presiden UNISEL, Prof Dr Anuar Ahmad yang merasmikan kejohanan pada Jumaat lalu berkata, acara sukan seperti ini adalah sangat penting untuk para pelajar.

Beliau juga tidak menyangka kejohanan pertama kali ini mendapat penyertaan cukup memberangsangkan.

"Sukan bukan hanya semata-mata untuk menang sahaja tetapi bagi memastikan kesihatan terjamin.

"Otak yang cerdas adalah datangnya daripada badan yang cergas," katanya

Pusat Sukan UNISEL bercadang menjadikan kejohanan ini sebagai acara tahunan.

Ia berkemungkinan akan digabungkan dengan Kampus Shah Alam bagi memeriahkan lagi.

Tambahan pula, Prof Dr Anuar menyatakan akan menambah bajet untuk kejohanan tersebut.

Pertandingan yang diadakan bagi temasya kali ini adalah bola sepak sembilan sebelah, sepak takraw, bola jaring, futsal, badminton, ping pong dan bola tampar.

Empat fakulti lain terlibat adalah Fakulti Kejuruteraan (FOE), Fakulti Komputer Sains dan Teknologi Maklumat (FCSIT), Fakulti Sains dan Bioteknologi (FASBIO) dan Pusat Pengajian Asas dan Umum (CFCGS).

FCSIT memenangi perbarisan yang diadakan.



PEGAWAI serta pelajar FESS bersama trofi kemenangan bergelar johan dalam kejohanan pertama kali diadakan

UNIVERSITI LANCANG KUNING, INDONESIA LAWAT UNISEL UNTUK KUASAI SAINS DAN MATEMATIK



Delegasi Universitas Lancang Kuning bersama wakil UNISEL

SERAMAI 18 tenaga pengajar dari Universiti Lancang Kuning, Indonesia mengadakan lawatan ke UNISEL bertujuan untuk melihat sistem pendidikan di negara ini terutamanya di dalam bidang sains dan matematik.

Kesemua tenaga pengajar dari universiti terletak di Pekan Baru itu kagum dengan sistem pendidikan di negara ini. Rombongan dari Fakulti Keguruan Ilmu dan Pendidikan itu diketuai

oleh Dekannya, Dr Adolf Bastian.

Tambahan pula UNISEL mempunyai ikon Sains, Matematik, Teknologi dan Kejuruteraan (STEM), Prof Emeritus Datuk Dr Abdul Latif Ibrahim. Dalam sesi lawatan, Prof Emeritus Datuk Dr Abdul Latif berkongsi pengalamannya mengenai STEM melalui pembentangan ringkas yang diadakan.

Dr Adolf berkata, beliau mahu melihat bagaimana sistem pendidikan di negara ini berfungsi. Selain itu, beliau turut melakukan perbandingan bagi melihat sebarang penambahbaikan yang boleh dilaksanakan. "Malah kami juga mahu mempromosikan program-program yang ada di UNISEL kembalinya ke sana (Indonesia) nanti," katanya.

TANAM 33 POKOK, WUJUD SUASANA HIJAU DI KAMPUS



Prof Dr Anuar mencangkul bagi menanam pokok

MENYEDARI kepentingan mengenai penjagaan alam sekitar, Fakulti Bioperubatan dan Sains Kesihatan mengambil inisiatif menjalankan program Penanaman Pokok di kawasan parkir UNISEL Kampus Shah Alam.

Sebanyak 33 pokok terdiri daripada mangga, nangka, rambutan dan hiasan ditanam di situ.

Ia merupakan sumbangan daripada Jabatan Pertanian Selangor, syarikat-syarikat dan Unit Perancang Ekonomi Selangor yang menyumbang sebanyak RM3,000.

Malah ada yang memberi sumbangan dalam bentuk peralatan.

Program ini dilaksanakan bagi mewujudkan



Antara pokok yang ditanam

persekitaran yang bersih serta nyaman di kawasan kampus.

Ia juga bagi memberi keselesaan di samping dapat menambah oksigen.

Pokok-pokok tersebut dijangka mengambil masa kira-kira setahun setengah untuk membesar.

Para pelajar fakulti itu akan melakukan pemantauan sekali seminggu.

Program tersebut dirasmikan oleh Naib Canselor dan juga Presiden, Prof Dr Anuar Ahmad dan di bawah Penyelaras, Intan Sazrina Saimy.

DUA PENSYARAH FAKULTI SAINS DAN BIOTEKNOLOGI MENANG PINGAT PERAK ITEX 2015

DUA pensyarah Fakulti Sains dan Bioteknologi memenangi pingat perak dalam 26th International Invention and Innovation Exhibition (ITEX) 2015.

Hasnu Rizal Zakaria bersama Mohd Fadzly Ahmad menghasilkan dua ciptaan mereka dalam kategori Environmental and Renewable Energy.

Ini merupakan penyertaan kali pertama UNISEL dan pencapaian ini sangat membanggakan seluruh warga universiti.

Difahamkan kedua-dua produk tersebut sedang dalam proses dipatenkan dan akan mula dipasarkan Jun lalu.

Produk tersebut sudah sedia untuk

dikomersialkan di dalam industri.

Mereka juga berkemungkinan akan bertanding di Geneva, Switzerland pada tahun ini.

Semoga kejayaan lebih besar akan menyebelahi kedua-duanya nanti dalam mengharumkan nama UNISEL



Hasnu Rizal (kiri) bersama Mohd Fadzly (kanan) berjaya memenangi pingat perak



Hasil penyelidikan dipamerkan

FAKULTI Sains Komputer dan Teknologi Maklumat mengadakan Final Year Project Exhibit 2015 bagi memberi pendedahan kepada para pelajar tahun akhir menghadapi alam pekerjaan.

Program tersebut juga bertujuan bagi meningkatkan kualiti projek tahun akhir para pelajar.

Ia bagi menyuntik motivasi para pelajar untuk menyiapkan projek pada waktu ditetapkan.

Dekan fakulti, Dr Raja Mohd Tariqi Raja Lope Ahmad berkata, ExhibIT 2015 merupakan penilaian projek tahun akhir pelajar fakulti dan platform bagi mempromosikan UNISEL kepada 500 pelajar sekolah dan politeknik.

"Melalui program seperti ini, para pelajar

EXHIBIT 2015 BERI PENDEDAHAN KEPADA PELAJAR TAHUN AKHIR FSKTM

dapat didedahkan mengenai cabaran yang akan dihadapi kelak semasa memasuki alam pekerjaan.

"Ia juga sebagai persiapan untuk mereka merasai pengalaman melakukan projek

seperti ini," katanya di Dewan Canselor, Kampus Bestari Jaya yang dirasmikan oleh Timbalan Naib Canselor Hal Ehwal Pelajar dan juga Naib Presiden UNISEL, Prof Madya Dr Shaharuddin Badaruddin.

Beliau turut menyampaikan hadiah kepada para pemenang pertandingan produk yang diadakan oleh fakulti.

Prof Madya Dr Shaharuddin berkesempatan mengadakan lawatan di pameran yang diadakan oleh para pelajar.

Dalam pada itu, ceramah turut diadakan oleh Penyampai Radio IKIM, Luqman Hakim.



Antara peserta program tersebut



Prof Madya Dr Shaharuddin melawat pameran diadakan pelajar

UNISEL TANDATANGANI MoU DENGAN DUA UNIVERSITI DI JORDAN

UNISEL meneruskan kerjasama bersama Universiti Petra, Jordan dengan mengadakan pembaharuan memorandum perjanjian persefahaman (MoU) selepas ianya tamat tiga tahun.

MoU ini ditandatangani bagi meneruskan kerjasama di dalam pendidikan melibatkan program pertukaran pelajar, pensyarah serta kajian dan penyelidikan.



Prof Dr Anuar menandatangani MoU bersama Presiden Universiti Petra, Dr Adnan Badran, bekas PM Jordan



Delegasi UNISEL serta Kerajaan Negeri bersama dengan wakil Universiti Petra, Jordan

MoU tersebut diadakan pada April lalu sempena lawatan kerja selama tiga hari Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad bersama Naib Canselor yang juga merupakan Presiden UNISEL, Prof Dr Anuar Ahmad dan Pengarah Institut Bio-IT Selangor, Prof Emeritus Datuk Dr Abdul Latif Ibrahim.

Dalam pada itu, UNISEL turut mengadakan MoU bersama sebuah lagi institusi pengajian tinggi terkemuka iaitu Universiti Jordan.

Delegasi itu kemudian turut berkesempatan melawat para pelajar Selangor yang sedang menuntut di Jordan kira-kira seramai 400 orang.

UGT 2015 CUNGKIL BAKAT SENI WARGA UNISEL

BUAT julung kalinya, dalam mencari bakat di kalangan warganya, universiti ini menganjurkan pertandingan UNISEL Got Talent 2015 (UGT 2015) di Dewan Canselor Kampus Bestari Jaya pada 3 April lalu.

Pertandingan anjuran Pusat Seni Budaya UNISEL itu bertujuan untuk mengetengahkan bakat-bakat yang ada di kalangan sama ada pelajar maupun kakitangan.

Ia bermula dengan peringkat saringan yang dijalankan di kedua-dua kampus termasuk Shah Alam dengan penyertaan seramai 29 yang terdiri daripada kumpulan serta solo.

12 finalis terpilih untuk bertanding merebut kejuaraan dengan mempertaruhkan bakat nyanyian, bermain alat muzik serta tarian.

Kesemua peserta menampilkan persembahan yang dinamik dan kreatif bagi menambat hati juri serta kira-kira 1,000 penonton.

Juri-juri yang mengadili pertandingan tersebut terdiri daripada guru muzik, wakil



Kesemua pemenang bersama dengan Prof Madya Dr Shaharuddin (empat, kanan)



Pemenang tempat kedua, Nina Pelez and The Boys Band yang menampilkan persembahan bertenaga.

industri hiburan dan juruhebah radio Muzik FM yang kebetulan merupakan alumni UNISEL.

Nurul Fatihah Wadihah Mat Sharif yang mendendangkan lagu Azie – Kau Tetap Dalam Anganku berjaya bergelar juara.

Naib juara dimenangi oleh Nina Pelez and The Boys Band manakala Ismail Azren Al-Bakri Ishar mendapat tempat ketiga.

Timbalan Naib Canselor Hal Ehwal Pelajar, Prof Madya Dr Shaharuddin Badaruddin menyampaikan hadiah kepada para pemenang.

Program tajaan Adun Ijok, Dr Idris Ahmad turut dihadiri oleh Timbalan


Pendaftar Hal Ehwal Pelajar Zulfikri Mohd Kamil, Penasihat UGT 2015 yang juga merupakan Pengarah Pusat Seni Budaya, Prof Madya Mohd Noor Azhar Yusof.

Lebih mengejutkan, DJ Aliff menawarkan peluang keemasan buat kesemua pemenang untuk bersantai bersama Najwa latif di dalam sebuah program radio tersebut.

Dalam pada itu, Pengarah UGT 2015, Mohd Fadly Abd Malek menyatakan bahawa program tersebut akan dijadikan sebagai acara tahunan.

“Kita akan jadikan UGT ini sebagai program tahunan yang dinanti-nantikan oleh semua warga UNISEL.

“Syabas dan tahniah diucapkan kepada semua peserta terutama pemenang dan krew terlibat menjayakan program ini,” katanya.



Kesemua peserta yang bertanding memperkenalkan persembahan memberangsangkan.

LARIAN AMAL BANTU ANAK YATIM SERTA ORANG TUA

UNISEL menganjurkan larian amal UNISEL Fund Run 2015 sebagai usaha membantu rumah anak yatim serta orang tua di sini pada 13 April lalu.

Larian sejauh lima kilometer di sekitar bandar raya ini dibagikan kepada empat kategori yang iaitu terbuka lelaki dan wanita serta bawah 17 tahun untuk lelaki dan wanita.

Program ini ternyata mendapat sambutan apabila seramai hampir 1,000 peserta menyertainya.

Ia merupakan program amal berbentuk larian yang pertama diadakan oleh Fakulti Komunikasi dan Media.

UNISEL sering mengadakan pelbagai program amal dalam usaha membantu golongan yang memerlukan.

Ia juga merupakan sebahagian usaha universiti dalam mewujudkan kesedaran di kalangan para pelajar mengenai sikap saling

bantu-membantu selain kepentingan menjaga kesihatan melalui aktiviti senaman.

Program itu bermula pada jam 7 pagi apabila Naib Canselor yang merupakan Presiden UNISEL, Prof Dr Anuar Ahmad melepaskan para peserta disaksikan oleh Dekan fakulti, Prof Dr Azmuddin Ibrahim.

Semua peserta menerima sijil manakala 50 peserta terawal menamatkan larian menerima medal.



Para peserta memulakan larian



Prof Dr Anuar melepaskan para peserta

Aktiviti zumba dan cabutan bertuah turut diadakan bagi memeriahkan program.

Selain itu, ia diserikan lagi dengan kehadiran oleh beberapa artis tempatan terkenal antaranya Azwan Ali dan Aweera.

BANK ISLAM SERAH CEK ZAKAT RM20,000

BAGI membantu asnaf serta pelajar memerlukan, Bank Islam menyalurkan kutipan zakat sebanyak RM20,000 kepada UNISEL pada 28 April lalu.

Penyerahan tersebut merupakan sebahagian daripada tanggungjawab sosial korporat (CSR) bank tersebut dalam membantu masyarakat.

Ia juga merupakan program tahunan dalam membantu institut pengajian tinggi (IPT) di seluruh negara.

Seramai 10 wakil bank tersebut menghadiri majlis penyerahan cek zakat di Kampus Shah Alam.

Cek tersebut disampaikan kepada Naib Canselor yang juga merupakan Presiden UNISEL, Prof Dr Anuar Ahmad



Prof Anuar (empat, kiri) menerima replika cek zakat dari Bank Islam

18 WARGA STIT LAWAT UNISEL



Prof Madya Dr Shaharuddin (empat, kanan) bersama dengan warga STIT yang melawat UNISEL hari ini

SERAMAI 18 warga Sekolah Tinggi Ilmu Tarbiyah (STIT) Diniyah Puteri Padang Panjang, Indonesia termasuk tiga pensyarah berkunjung ke UNISEL Kampus Shah Alam pada 5 Mei lalu.

Tujuan mereka mengadakan lawatan adalah untuk melihat dengan lebih dekat UNISEL serta berkongsi pandangan.

Dalam majlis tersebut, Naib Presiden yang juga merupakan Timbalan Naib Canselor Hal Ehwal Pelajar (HEP), Prof Madya Dr Shaharuddin Badaruddin turut menyampaikan taklimat mengenai latar belakang UNISEL.

Difahamkan, warga STIT baru sahaja mengadakan lawatan yang sama di Singapura sebelum ke UNISEL.

TIGA PENSYARAH FSKTM TERIMA SIJIL PENGIFTIRAFAN

SERAMAI tiga pensyarah Fakulti Sains Komputer dan Teknologi Maklumat (FSKTM) menerima sijil pengiktirafan membanggakan apabila dipilih sebagai finalist National Outstanding Educator Award 2015 pada 27 Mei lalu.

Ketiga-tiga pensyarah tersebut adalah Dr Suziyanti Marjudi, Dr Mohd Fahmi Amran dan Faudzi Ahmad.

Kejayaan membanggakan ini sekaligus menaikkan nama UNISEL untuk semakin dikenali di seluruh negara.

Ia juga diharap dapat dijadikan pembakar semangat buat seluruh warga UNISEL dalam mencapai kejayaan di dalam pelbagai bidang.

Program anjuran Koperasi Pendidikan Swasta Malaysia Berhad itu menyaksikan seramai kira-kira 30 finalist dipilih manakala 18 dipilih sebagai pemenang pelbagai kategori yang dipertandingkan.

Ia adalah sebagai usaha meraikan para pendidik institusi pengajian tinggi swasta (IPTS) di seluruh negara sempena hari guru.

Seramai 250 wakil daripada pelbagai IPTS menghadiri majlis yang diadakan Kirkby International College.

Turut hadir adalah Timbalan Menteri Pendidikan II, P Kamalanathan.



Faudzi (kiri), Dr Suziyanti dan Dr Mohd Fahmi membanggakan UNISEL selepas menerima sijil pengiktirafan tersebut.



Universiti Cemerlang

MULTIMEDIA teknologi maklumat
fotografi psikologi
PENGAJIAN ISLAM
fisioterapi
mekanikal
ELEKTIKAL
sains kuantitatif
KEJURUTERAAN AWAM
SENI REKA SAINS KOMPUTER
bioteknologi
komunikasi
KEWANGAN media
sumber manusia

KEMERAWATAN
perniagaan
sains perpustakaan
KOMUNIKASI KORPORAT
KEWARTAWANAN
multimedia
tesl
kejuruteraan perisian
makmal perubatan
sains



KAMPUS SHAH ALAM



HOSTEL



KAMPUS BESTARI JAYA

Sistem Penarafan Institusi Pengajian Tinggi Malaysia 2013

(Setara '13) oleh

